



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

caput XX.

urn:nbn:de:hbz:466:1-29452

est hoc vitiū. Methodius dicit propter hoc peccatum
ebrietatis tandem Turcam esse venturum, &c.

CAP V T X X.

ARGUMENTA.

1. Quid sit peccatum acediae.
2. Quantum Deo displiceat in homine.
3. Quae damna sequantur ex acedia.

I.



Cedia est lassitudo ad bonū aliquod inchoandum, vel inchoatum bonum perficiendum: contra hoc peccatum, ne Ephesijs contingeret, Paulus fletit genua ad Deum patrem, ut confirmarentur & corroborarentur secundum interiorē hominem in fide, dilectione & timore Dei Eph. 3. Sic quoque orat pro Philippensib. ut charitas magis ac magis abundet in omni scientia & sensu, Philipp. 1. Sic maximē angebatur, si quis ex Corinthijs infirmus in fide fuerat, aut scandalizatus, 2. Cor. 11. hoc enim singularē est ingenium Sathanæ, ut vel bonum quod homo proponit impedit, aut hominem in incepto bono fatiget: orandus est igitur Deus pro constantia & perseverantia in bono. De hoc vito dicitur Apoc. 3: Utinam frigidus essemus aut calidus: sed quia tepidus es, euomam te ex ore meo: contra hoc vitium maximē clamabat Helias propheta, 3 Reg. 18, arguens populum: Usquequā claudicatis in duas partes? Si Dominus est Deus, sequimini eum: Sin autem Baal, sequimini illum: Sed populus non respondit verbū &c. Sic hodie quoq; claudicatores confundentur.

2.

Secundō, admodum displaceat Deo acedia: nam serum desiderem qui nō negociabatur cum pecunia Domini sui, sed ociaabatur, vocat serum inutilem, & iubet ligatum in tenebras exteriōres projici, Matthæi 25. Omnis creatura fugit peccatum acediae. Sol, Luna & reliqua astra perficiunt suū cursum. Vnde August. dicit:

dicit: Si Sol posset loqui ad pigrū, quem manè in lecto reperit, Plus heri laborauī quām tu, currendo si- ne acedia, & perficiendo cursum meum, & tamen surrexi: tu adhuc dormis? Sic herbæ crescunt & proficiunt de minima quantitate in maiorem: sed homo desidiosus nil proficere curat, & Salomon Prover. 6. pigris pponit animalculum minutū, nempē formicā, quod sibi prospicit de fututo, vndē extat versiculus:

Colligit in messe, quod habet formica necessē.

Sed homo acediosus non curat nec cogitat quæ fūtura sunt. David quoq; dicit, quomodo omnes creaturæ laudent Deū incessabili, Sol, Luna, stelle, mōtes, arbores, ignis &c. Vndē displicet maximē Deo nostra acedia, cūm etiam omnes creaturæ non cessent bonum agere: quin & angelī incessabili voce Deum laudent, &c. Quare Christus iubet orare, ne fuga nostra fiat Sabbatho, id est, fuga ab operibus sanctis: aut in hyeme, id est, per amissionem charitatis erga proximū. Nam quandō abundabit iniquitas, refrigescet charitas multorum. Mat. 24. Apud Hierem 40. homo maledicitur, quòd opus Domini faciat negligenter, & Saluator Christus maledicit fūlneæ, non ferenti fructum Luc. 13. vbi taxantur omnes desides & acediosi, cuiuscunq; etiam status sint: Episcopus negligens in officio suo, maledicitur, eō quòd opus Domini (id est, Episcopatum suum) administrat negligenter, I. Corin. 4. Maledicuntur omnes status, si officia sua negligent, & per acediam supersedeant, magistratus, rectores principes, clerici, monachi, laici, maritus, ac seruus ac Dominus: omnes enim status siue officia tā in Ecclesiastica quā in sēculari politia sunt opus & ordinatio Domini. Quisquis igitur in statu vel officio suo piger & acediosus reperitur, is maledictionē Domini incurrit: quare hoc dictum Prophete de maledictione negligentiū, perpendant omnes Episcopi, prēlati & principes. Quòd enim tanta nunc

OO

est

est perturbatio in Ecclesia & tristis facies, ex nulla alia causa venit, quam ex negligentia & acedia Rectorum, Episcoporum & Principum, qui politias regunt, Mat. 13, cum dormirent homines, venit inimicus homo, & superseminauit zizania in medio tritici. Nam quandò officia commissa negliguntur, & alia curantur quae non pertinent ad officium nostrum, sit ut in varia vita incidamus. Dauid, ipso tempore cum reges ad bella procedere oportebat, desidiosus in domo sua mansit, & in graue adulterium incidit, imo & homicidium perpetravit. Vnde enim tot adulteria & libidines in utroq; statu, nisi ex ocio & desidia? Vnde gentilis poëta remedium dans, inquit:

Ocia si tollas periēre cupidinis arcus.

Cedit amor rebus: res age, tutus eris. &c.

Tertio, varia damna sequuntur hoc peccatum: nam tales desidiosi qui sic torpent in bono aliquo perficiendo, & de die in diem differunt, saepè morte insperata preueniuntur, & illis tempus & vita subtrahitur, quandò dicunt, Cras faciam aliquid boni, cras incipiam me emendare, sed contra hoc est quod veteres in versu dixerunt:

Noli per cras cras, longas tibi ponere metas.

Qui non est hodie, cras minus aptus erit.

Vnde Christus ad quendam qui dicebat: Domine, permitte me prius sepelire patrem, & sequar te: respōdit, Sequere me, & sine mortuos sepelire mortuos suos: mortuos, id est, infideles, vt notatur Ioan. 5. Venit hora & nunc est, vt mortui, id est, infideles audiant vocem, id est, Euangeliū filij Dei: & qui audierint, id est, crediderint, viuent æternaliter. Sic neminem à fide Christiana impedire debet vel mater, vel pater, vel soror, &c. Sic Christus increpauit Petrum, qui retrospiciebat & quarebat de Ioanne Euangeliſta dicens: Domine, hic autē quid? Christus respōdit, Quid

Quid ad te? tu me sequere, id est, Nihil te retardet vel impedit, quin me sequaris. Vnde validè periculorum est, bona quæ in aī cōcepimus, de die differre in diē. Sæpè enim illos cita mors præuenit. quare dicitur Eccl. 5. Ne tardes conuerti ad Dominū, & ne differas de die in diem. subito enim veniet ira illius, & in tempore vindictæ disperdet te. Vnde Augusti. 8. Confess. Quām diu crās? & cur non modò? quarè nō ex hac hora finis torporis mei? Admonet igitur Apostolus Gal. cap. 6. vt vitent hoc vitium acediæ, dicens: Bonū facientes, nō deficiamus: ergo dum tempus habemus, operemur bonum &c. Incitat quoq; nos ad vietandum hoc vitiū promissio præmij, i. Cor. 3. & Mat. 19. Centuplum accipiet, etiam in hac vita. Hoc est tellum Sathanæ, quo vulnerat multos, qui putant & dicunt, quod nullum sit meritum bonorum operum; cum tamen Christus passionis suæ merito Spiritū & gratiam operandi bonum nobis metuit, & facit opera nostra accepta & meritoria: & circa hoc multi extiderunt à merito, & apostatarunt ex monasterijs, & alijs sua merita inuidenterunt, vt inquit Ambrosius lib. 10. Epist. 82. Quarè audiamus saluatorem nostrum;

qui nos monet contra hoc peccatum acediæ:

Vigilate, quia nescitis qua hora D O M I-

N V S venturus sit, Matthæi 24.

(.: Lucæ 12. .:.)

F I N I S

C A T E C H I S M I

O O 2

ARGU-